



ANEXO IV

ESKOLA KIROLEKO HARMAILETAN ERRESPECTUA SUSTATZEKO PROTOKOLOA

1.-PARTIDA EDO PROBAREN AURRETIK (PREBENTZIO NEURRIAK)

A) Partida edo probetako epaile taldeak Arabako Foru Aldundiak emandako elastikoak edo petoak eramango ditu jantzita, errespetuaren aldeko mezuekin, epaile federatuek izan ezik, horiek beren ohiko janzkera erabili ahal izango baitute.

b) Epaileak esleitzen dituzten erakundeek (federazioak edo tokiko taldeak) ziurtatu beharko dute partida edo probetako epaileek badutela honako hauen berri:

1°. Dagokion kategoriara egokitutako joko arauak eta arbitraje arauak..

2°. Protokolo hau.

c) Kirol-erakundeek, jarduerak hasi baino lehen, protokoloaren berri eman beharko diete honako hauei:

1°. Taldeko kide guztiei.

2°. Kirolarien familiei.

d) Ekipoek edo taldeek, beren araudi espezifikotik ezarritakoaren arabera, familien ordezkari bat eduki ahal izango dute, norbere ekipoaren edo taldearen ikusleek jokabide egokia izan dezaten bultzatzeko.

Familien ordezkari bat nahitaez egon behar den modalitateetan, baldin eta hori partida hasi aurretik betetzen ez bada, epaileak galdutzat emango dio partida edo lehiaketa kasuan kasuko taldeari edo kirolariari. Gorabehera hori alde batera utzita, partida jokatu egin beharko da, salbu eta, epaile taldearen iritziz, partida modu seguru eta hezigarrian jokatzeko inguruabar egokiak ez badaude.

e) Sartzeko eta egoteko arauak erraz irakurtzeko moduan agertu beharko dira eskola kiroleko partidak edo probak egiten diren kirol esparruan.

f) Kirol legea sustatzeko ekintzak egin beharko dira, kirol modalitate edo diziiplina bakoitzaren araudi espezifikoa jasotzen dituenak, hala badagokio.

g) Parte hartzen duten kirol erakundeek, halaber, kirol legea sustatzeko egokitzen jotzen duten beste edozein neurri ezarri ahal izango dute. Beste erakunde bateko taldeek parte hartzen badute, haien oniritzia beharko dute.

2.- PARTIDAN EDO PROBAN ZEHAR. JARDUNBIDEAK .

Baldin partida edo lehiaketaren bat abian denean ikusleren batek edozein parte hartzailearen aurka (epaileak, teknikariak, kirolariak, etab.) edo beste ikusleren baten aurka egindako errespetu faltaren bat edo hitzezko indarkeria hautematen bada, bi jardunbide hauetakoren bat hartu beharko da, kasuaren arabera:



A) JARDUNBIDEA 1: OHARTARAZPENA.

1º. NOIZ:

Protesta, keinu eta/edo iruzkin desegokiak egin baditu edo behin eta berriz egin baditu.

2º. ZER:

Epaileak partida edo proba geldiaraziko du, eta gorabehera horren berri emango dio familien ordezkariari edo jokabide okerra izan duten ikusleen taldearen entrenatzaileari. Pertsona horrek, aldi berean, gorabeheraren egileei ohartarazi beharko die jokabide horri utzi egin behar diotela edo, bestela, kirol esparrutik kanporatuko dituztela.

Jarraian:

- a) Gorabehera eragin duen pertsonak edo pertsonak beren jarrera baztertzen badute, berriro ekingo zaio partidari edo probari.
- b) Gorabehera eragin duen pertsonak edo pertsonak beren jokabidea baztertzen ez badute, familien ordezkariaren edo taldeko entrenatzailearen bidez kanporatuko dira kirol esparrutik.
- c) Familien ordezkariak edo entrenatzaileak ez badu helarazten epaile taldeak adierazitako ohartarazpena, edo kanporatutako pertsonak kirol esparrua uzten ez badute, amaitutzat joko da partida edo proba.

3º. NOR:

Epaile lanak egiten dituenaren erantzukizuna da protokoloa aplikatzea.

Nolanahi ere, erakunde parte hartzaileetako honako pertsona hauek eskatu ahal izango diote epaileari protokolo honetan ezarritako jardunbide neurriak aplikatzeko:

- a) Legezko ordezkariak
- b) Kirol koordinatzaileak
- c) Adingabeak babesteko ordezkariak (Haurrak eta Nerabeak Indarkeriatik Begiratzeko Babes Integralaren Lege Organikoa)
- d) Taldeko familien ordezkariak.
- e) Lehiaketan parte hartzen duten kirolarien edo taldeen entrenatzaileak edo ordezkariak.

3. puntu honetan aipatutako eragile guztiak alta emanda egon behar dira eskola kiroleko programan dagokien egoeran, eta beren burua identifikatu behar dute eta lankidetzan aritu epailearekin, neurriak ezartzeko orduan.

Era berean, lehiaketa antolatzen duen federazioak partidaren edo probaren epaileari ere eskatu ahal izango dio protokoloa aplikatzea, federazioko ordezkari baten, erakunde laguntzailearen babeserako ordezkariaren edo probaren antolatzailearen bidez.



Entrenatzaileak bere taldeko ikusleei ohartarazpena egin behar dien egoera guztietan, hark zuzenean egin ahal izango du komunikazioa, edo familien ordezkariaren bidez, edo 3. atal honetan jasotako beste edozein eragileren bidez.

B) JARDUNBIDEA: INSTALAZIOTIK KANPORATZEA EDO BERTAN BEHERA UZTEA

1º. NOIZ:

- a) "1. jardunbidea" gauzatu eta lehiaketari berrekin ondoren, protesta, keinu zein iruzkin desegokiak egiten jarraitzen badute.
- b) Egoera larriak edo oso larriak gertatzen badira, hala nola mehatxuak, larderia, irainak eta laidoak, baita adierazpen arrazistak, xenofoboak, sexistak edo homofoboak ere (aldez aurretik "1. jardunbidea" gauzatu den alde batera utzita).

2º. ZER:

Epaileak partida aldi baterako etengo du, eta portaera okerra izan duen taldeko familia ordezkariari edo entrenatzaileari jakinaraziko dio kirol esparrutik kanporatu behar dituela gorabeheraren bat izan duten pertsonak.

Jarraian:

- a) Kanporatutako pertsonak edo pertsonak instalaziotik ateratzen badira, berriz ekingo zaio partidari edo probari.
- b) Instalaziotik ateratzen ez badira, edo familien ordezkariak edo entrenatzaileak ez badu jakinarazten epaile taldeak adierazitako kanporatzea, amaitutzat joko da partida edo proba.

3º. NORK:

Protokolo honen 2 A) 3. apartatuan jasotako aurreikuspenak aplikatuko dira.

Horrez gain, kanporatuak izan diren pertsonak instalazioa uzten ez badute, edo gertakarien larritasunagatik egokitzen bada, epailea edo protokoloaren 2 A) 3. atalean jasotzen diren pertsonetako edozein harremanetan jarri ahal izango da udaltzaingoarekin edo Ertzaintzarekin, bai zuzenean, bai instalazioaren ardura duen pertsonalaren bidez.

3.- PARTIDA EDO PROBAREN ONDOREN. GORABEHERAK JASOTZEA

A) EPAILEAK.

Epaile taldeak aktan jasoko ditu protokolo honetan aurreikusitako jarduketak, bai eta partida edo probaren aurretik, bitartean edo ondoren izandako gorabeherak ere, diziplina edo lehiaketa batzorde eskudunak dagozkion diziplina edo zehapen neurriak har ditzan.

Intzidenteak akta itxi ondoren gertatzen badira, txosten osagarri bat erantsiko zaio aktari.

B) KIROL FEDERAZIOAK.



Kirol federazioak gertatutakoaren berri eman beharko die eta epaileak egindako akta eta/edo txostena bidali, honako hauei:

- 1º Federazioko bertako adingabeak babesteko ordezkariari.
- 2º. Arabako Foru Aldundian kirolaren arloko eskumena duen zerbitzuari.
- 3º. Partida edo lehiaketa horretan parte hartu duten kirol erakundeei.
- 4º. Instalazioaren erakunde titularrari, lehiaketaren parte hartzaileetako bat ez denean.

Era berean, lehiaketa/diziplina batzordeak lehen auzialdian proposatzen dituen epaiak (aldekoak zein aurkakoak) ere jakinarazi beharko dizkie kirol federazioak pertsona eta erakunde horiei.

C) KIROL ERAKUNDEAK

Protokolo honetan aipatutako edozein gorabehera jasotzen duen partida edo proba batean parte hartzen duen edozein kirol erakundek:

1. Txosten bat bidali ahal izango die dagokion federazioari eta Arabako Foru Aldundian kirol arloko eskumena duen zerbitzuari, azter dezaten eta, hala badagokio, neurri egokiak har ditzaten.
2. Txosten bat bidali beharko dio adingabea babesteko ordezkariari.
3. Gertatutakoa ikertu eta aztertu beharko du, eta, hala badagokio, barne araubideak ezar ditzakeen zehapen neurriak edo gertakari berriak saihesteko egokitzen dituen zuzenketa neurriak hartu beharko ditu.
- 4.- Inplikaturako beste erakundeetako arduradunekin harremanetan jarri ahal izango da, ikuspegi eraikitzaile batetik informazio guztia izan dezaten eta, horrela, gertakaria ahalik eta modurik egokienean kudea dezaten.

4. KONTUAN HARTU BEHARREKO BESTE BATZUK

A) FAMILIEN ORDEZKARIA

Taldeetan figura hori egotea borondatezkoa da, salbu eta modalitate bateko araudi espezifikoak figura hori nahitaezkoa dela ezartzen badu. Bigarren kasu horretan, protokolo honetan figura horrentzat xedatutakoa modalitate bakoitzaren araudi espezifikoaren osagarri izango da, haren aurkakoa ez den guztian.

Familien ordezkaria taldearen edo taldearen portaera ona zaintzeaz arduratuko da, eta, bereziki, senideena eta norberarena, bai eta partida edo proba arbitratzen duen pertsonari laguntzeaz ere, protokoloa bete dadin.

Hori aplikatuz, epaile taldeak jendea ohartarazi ahal izango du, bai entrenatzailearen bidez, bai familien ordezkariaren bidez.

Familien ordezkaria, nolana ere:

1. Bere eginkizunak bete ahal izateko, dagokion lizentziarekin inskribatuta egon beharko du aktan.



2. Haien presentzia nahitaezkoa den modalitateetan, salbuespen gisa, eta taldeko familia ordezkaria ez badago, erakundeko koordinatzaileak edo erakundeko babes ordezkariak bete ahal izango ditu bere eginkizunak, betiere dagokion lizentzia aurkezten badute.
3. Epailearen aurrean identifikatu beharko da, eta partidan edo proban non dagoen jakinaraziko dio.
4. Epaileak erraz ikusteko eta iristeko moduan jarri beharko du.

Arabako Foru Aldundiak emandako eskumuturrekoa edo identifikazio-bereizgarria izango du, partidan edo proban parte hartzen duten gainerako ikusleek eta agenteek ezagut dezaten.

B) LIZENTZIA DUTEN PARTE HARTZAILEEN ARTEKO GORABEHERAK

Protokolo hau ikusleak tartean diren gertakarietan soilik aplikatuko da.

Kirolarien, teknikarien edo eskola lizentzia duten eta lehiaketan parte hartzen duten beste pertsona batzuen arteko gorabehera edo errespetu faltaren bat gertatuz gero, edo haiek epaile taldeari halakorik eginez gero, epaileak berak ezarri beharko ditu modalitateko joko edo lehiaketa arauetan jasotako faltak/zehapenak. Hori guztia, Diziiplina edo Lehiaketa Batzordeak gerora ezar ditzakeen zehapenak alde batera utzi gabe.

C) PROTOKOLOA EZ BETETZEA

Protokoloan ezarritako jarduerak ez betetzeak dagozkion diziiplina-, administrazio- edo ekonomia erantzukizunak (dirulaguntzak) ekar ditzake.